

ALFONSINE
(dial. extraurbano)

E Vēt ad Tramuntāna e e Sól

Un dè e Vēt ad Tramuntāna e e Sól i litighéva fra ló, parchè ognō l'avéva la pretésa da èsar piò fôrt ad cl êtar; quānt ch'i vdè un viažadór, ch'e vnéva avāti tòtt aglupê int la caparëla. Alóra i dù ch'i litighéva fra ló i fasè un pat: che e piò fôrt l'éra quèll ch'e srèbb riusì a fê cavê la caparëla d'adös ae viažadór.

E Vēt ad Tramuntāna e cminzè a sufiê fôrt, ma piò ch'e sufiéva, piò e viažadór u s aglupéva int la caparëla. Tāt che ala fē che pôvar Vēt u i tuchè d tusla pérsa. Alóra e Sól u s fašètt avdé ind e zil, e un pô dòpp e viažadór, ch'e sintéva chêld, u s cavè la caparëla. E la Tramuntāna la duvètt arcgnòssar che e Sól l'éra piò fôrt a che lì.